



UNIVERSITÄTS-
BIBLIOTHEK
PADERBORN

Universitätsbibliothek Paderborn

Spiritualis Thesaurus Missæ

Sánchez, Gaspar

Coloniae Agr[ippinae], 1619

Cap. 24. Quomodo sanctissimum hoc sacrificium Patri æterno sit
offere[n]dum & qua intentione.

[urn:nbn:de:hbz:466:1-55223](https://nbn-resolving.org/urn:nbn:de:hbz:466:1-55223)

THESAURVS MISSAE. 209
lere, & alterum velut id pro-
brosū foret, inflexum tenere,
maiores omnipotenti Deo ex-
terius honorem non deferen-
do quàm dominæ suæ puer ho-
norarius, dum eam alloquitur,
Deoque mulierculam in hoc
reuerentiæ genere adæquando.

CAPVT XXIV.

QVOMODO SANCTIS-
simum hoc sacrificium Patri æ-
terno sit offerendum, & qua
intentione.

IN omnibus sanctissimi sa-
crificij Missæ mēbris, & mo-
mentis, in quibus maior cō-
solationis & gaudij spiritualis

S 3 ma-

materia sita est, præcipuum est
id, quando iam peracta eleua-
tione Sacerdos innocentissimū
Agnum, qui aufert peccata mū-
di, Deo Patri offert, piam hanc
orationem decurrens: *Vnde &*
memores, Domine, nos serui tui, sed
& plebs tua sancta, eiusdem Chri-
sti filij tui DOMINI nostri, tam
beatæ passionis, nec non & ab in-
feris resurrectionis, sed & in celos
gloriosæ ascensionis; offerimus præ-
claræ Maiestati tuæ de tuis donis ac-
datis, hostiā purā, hostiam sanctam,
hostiam immaculatā, panē sanctū
vite æternæ, & calicē salutis perpe-
tue; quæ sanctæ matris Ecclesiæ
sunt verba vt fidei oculis con-
sideret quæ dicat, & quid ane-
se habeat. Consideremus ergo

THESAURUS MISSAE. 211

hunc Dominū primò, respectu
Patris sui æterni, in quem ipse
velut filiū suum carissimum re-
spicit, de quo in Transfigurati-
one & Baptismo olim dixit,
quod semper pòst corde inscul-
ptum gerit Matth. 3. & 12. *Hic
est filius meus dilectus, in quo mihi
benè complacui.* quæ cùm ita sint,
magna consolatione perfusi ad
Missam dicendā & audiendam
abibimus, cumq; sancta quadā
præsumptione & delectatione,
quòd Deo oblatū eamus rē ocu-
lis ipsi cariorem, & illi summo-
perè placentem. Atq; hinc sta-
tim Sacerdos illud à Patre cæ-
lesti hac quæ sequitur oratione
cōtendit dicēs, *supra quæ propitio*

ac sereno vultu, &c. vt scilicet benignè placideq; admittat donum & oblatum illud, quod illi offert Ecclesia, ipsumque accipere dignetur, vti olim sacrificium innocentis Abelis, magni Patriarchæ Abraham, sancti regis & sacerdotis Melchisedeci admittere non est dedignatus. Et sanè benignioribus hoc ipsum oculis Pater æternus respiciet, cùm vetera illa sacrificia non nisi vmbra & figura quædam fuerint, hoc verò res ipsa figurata & veritas. Respiciamus ipsum deinde velut quid nostrum, cùm reuera noster sit; cùm nobis illum dederit is, qui dare potuit, Deus nimirum, quem

THESAURVS MISSAE. 213

quem nunquam quidquam dedisse pœnitet, nam *sine pœnitentia sunt dona Dei.* Rom. 12. Videamus quàm multa in eo habeamus, quæ sunt nimirùm *investigabiles diuitiæ Christi*, vt ait Apostolus Ephes. 3. Vt verò aliquid quoad illas intelligamus & fide perspiciamus, quanto perè nos ditet vna Missa benè dicta vel benè audita, præsupponamus oportet, Christū Dominum iam inde à primo ineffabilis Incarnationis suæ instāti, velut omnium prædestinatorum, qui in libro vitæ, id est diuino intellectu scripti sunt, caput, statim obtulisse se ad Patris sui voluntatem in omnibus
quæ

quæ mādaret adimplendā, idq;
vt mereretur nō sibi, qui eā iam
habebat, sed illis, gratiā & glo-
riam, atq; hoc sensū illud Pro-
phetæ vsurpauit, P sal. 39. *In ca-
pite libri scriptū est de me, vt faciā
voluntatē tuam, Deus meus volui,
& legem tuam in medio cordis mei
in sculptā habeo.* Sola hac gratuita
& voluntaria sui oblati one quā
Christus Dominus noster, Deus
& homo tum peregit, infinitū
promeruit, & infinitis mundis
gratiam & gloriam acquisiuit.
Hinc etiā sequitur, quòd quo-
niam omnes eius cogitationes,
verba & opera, etiā ad vsq; pas-
suū & pedum motum quē fa-
ciebat, & verbū quod loqueba-
tur.

tur, erāt actus personæ, horum
 singulis merebatur quod pri-
 mō, id est infinitū: adeò vt se-
 cundum hoc, & secundū multi-
 tudinē actuum, virtutum, quos
 Christus toto vitæ suæ sanctif-
 simæ tēpore fecit, innumeris vi-
 cibus infinitum nobis promeri-
 tus sit, vt ita copiosa nostra fo-
 ret redemptio ad nostrā confo-
 lationē. Quid igitur Sacerdos,
 qui fidei oculis corā se spectat
 donum aliquod suum, eò quòd
 Deus illi dedit ob quod penè
 infinitis vicibus infinitæ grati-
 arū illi actiones habendæ, vt ex
 omnib. illis velut re sua fructū
 aliquē percipiat, quid inquam
 sentiet? aut quid sentiret, si ip-
 sū fidei viuacitate perspiceret?

Certissimum est autem magis illum vna Missa ditandum quàm omnibus rebus à Deo creatis. Quoniam primarium & præcipuum, quo in hac vita maximè opus habemus, est ipsa peccatorum remissio & gratia: vnde S. Ioannes scribit i Ioan. i. *Advocatum habemus apud Patrem, Iesum Christum Iustum: & ipse est propitiatio pro peccatis nostris, non pro nostris autem tantum, sed etià pro totius mundi; adeò vt in Missa reperiatu pretiũ, quod pro omnibus meis, & omniũ hominum totius mundi peccatis persoluatur, si modò se disponant vt ipsum sibi applicent; que cogitari maior opulentia & thesaurus*

THESAURVS MISSAE. 217

ſaurus poteſt, quam habere in
Miſſa pretium, quod pro om-
nium mortalium delictis ſol-
uatur? cū vnicum peccatum
mortale tam ingens ſit debitū,
vt ſi qui ipſum committit, ſuis
id perſoluere viribus & è patri-
monio proprio deberet, in om-
nem æternitatem id redimere
non valeret, etiã ſi omnia in-
ferni tormenta ſolus pateretur.
Per ipſum quoq; accessum ha-
bemus ad agendum cum patre
celeſti, & omnia gratiæ dona ab
eodem impetranda, vti teſtatur
Apoſtolus de Iudæis & genti-
bus loquens, Ephes. 2. *Et veni-
ens euangelizauit pacem vobis, qui
longè fuiſtis, & pacem iſs qui pro-*
T *pè: quo-*

pè: quoniam per ipsum habemus accessum ambo in vno Spiritu ad Patrem. Omnes hasce diuitias in vna habemus Missa quæ Deo offertur primò ad gloriam & honorem, & ad illi beneplacendum, & vt offeratur illi donum infinita quadam ratione eum delectans, nos ipsos & omnia nostra cū ipso simul offerendo, vt per ipsū nos & omnia nostra illi grata accidamus. Secundò, in gratiarum actionē pro omnibus beneficijs, quæ à manu eius recepimus, & recipere speramus. Tertiò, in omnium delictorum nostrorum remissionem. Quartò vt per Iesū Christum à Patre cœlesti Spiritum Sanctum,

THESAURVS MISSAE. 219

Sanctum, id est, omnia dona & gratias suas, quibus ad instar filij eius Carissimi in hac vita, pro viribus illum imitando viuamus, recipere mereamur. De hac oblatione superius latius actum est cap. nono, dum de præparatione ad Missam loquebamur. Inde quæ hic defunt, sumi poterunt.

T 2 CA-